



SAKSPAPIR

Saksnr	Utval	Type	Dato
26/2021	Bygdeutviklingsutvalet	PS	16.11.2021

Sakshandsamar	Arkiv	ArkivsakID
Tore Henrik Øye		21/1286

LØYVING AV BYGDEUTVIKLINGSMIDLAR TIL Å UTVIKLE TILBOD OG AKTIVITETAR VED "ALLAKTIVITETSHUSET" PÅ STAMNES

Vedlegg:

Søknad om bygdeutviklingsmidlar - Allaktivitetshuset
Budsjett Søknad Bygdeutvikling AllAktivitetshus (1)

Kommunedirektøren sitt framlegg til vedtak:

Stamnes Idrettslag får tildelt inntil kr. 33 000,- til innkjøp av materiell/utstyr for å utvikle tilbudet knytt til "AllAktivitetshuset" på Stamnes.

Løyvinga utgjør 51 % av søknadsbeløpet på kr. 64 000,- og 56 % av "godkjend kostnad" på kr. 59 000,-

Vedtaket er fatta med bakgrunn i «Retningslinjer for tilskot til bygdeutvikling». Løyvinga skal takast frå utvalet sine tilgjengelege midlar for 2021

Tilskotet er knytt til innkjøp av utstyr til utvikling av café, ungdomsklubb, sykkelverkstad og klatrevegg.

Tilskotet vert betalt ut etter sluttrapport med kostnadsdokumentasjon, tilsvarende tilskotsbeløpet. Delutbetaling kan gjerast på førespurnad.

Det vert sett følgjande vilkår for løyvinga:

- Utgiftene må vere i tråd med søknaden.
- Tilskotet kan ikkje nyttast til driftsutgifter eller innkjøp av mat-/salsvarer.

Løyvinga gjeld for 2 år frå og med vedtaksdato. Etter dette vert tilskotet trekt attende. Det kan søkjast om utsett frist.

Nytt første avsnitt, ført inn i møteportalen av Ståle Hesjedal, Ap:

Stamnes Idrettslag får tildelt inntil 31.500kr til innkjøp av materiell/utstyr for å utvikle tilbudet knytt til "Allaktivitetshuset" på Stamnes.

Framlegg til vedtak, lagt inn i møteportalen av Edvin Hesjedal,H:

BU løyver 23500,- til Allaktivitetshuset

Bygdeutviklingsutvalet - Sak 26/2021

BYG - Behandling:

Utvalet drøfta saka.

Ståle Hesjedal, Ap la fram følgjande alternative forslag:

Stamnes Idrettslag får tildelt inntil 31.500kr til innkjøp av materiell/utstyr for å utvikle tilbudet knytt til "Allaktivitetshuset" på Stamnes.

Edvin Hesjedal, H sitt framlegg til vedtak som var ført inn i møteportalen vart ikkje lagt fram i saka, men trekt tilbake.

Ståle Hesjedal sitt framlegg til vedtak vart samrøystes vedteke.

BYG - Tilråding/Vedtak:

Stamnes Idrettslag får tildelt inntil 31.500kr til innkjøp av materiell/utstyr for å utvikle tilbudet knytt til "Allaktivitetshuset" på Stamnes.

Vedtaket er fatta med bakgrunn i «Retningslinjer for tilskot til bygdeutvikling». Løyvinga skal takast frå utvalet sine tilgjengelege midlar for 2021

Tilskotet er knytt til innkjøp av utstyr til utvikling av café, ungdomsklubb, sykkelverkstad og klatrevegg.

Tilskotet vert betalt ut etter sluttrapport med kostnadsdokumentasjon, tilsvarande tilskotsbeløpet. Delutbetaling kan gjerast på førespurnad.

Det vert sett følgjande vilkår for løyvinga:

- Utgiftene må vere i tråd med søknaden.
- Tilskotet kan ikkje nyttast til driftsutgifter eller innkjøp av mat-/salsvarer.

Løyvinga gjeld for 2 år frå og med vedtaksdato. Etter dette vert tilskotet trekt attende. Det kan søkjast om utsett frist.

Saksopplysningar:

Samandrag/konklusjon (kort om saka)

Bygdeutviklingsutvalet har kr. 210 000,- til fordeling ved søknadsomgangen i oktober 2021.

Arbeidsgruppa for "AllAktivitetshuset" i regi av Stamnes Idrettslag, søker om kr. 64 000,- i tilskot til materiell/utstyr ved tilrettelegging for aktivitet i huset på Stamnes. Kostnaden med planlagde innkjøp og gjeremål er kr. 74 000,- i følge vedlagt budsjett.

Kommunedirektøren finn at søknaden er i samsvar med føremålet til bygdeutviklingsmidlane, og går inn for å løyve inntil kr. 33 000,- til tiltaket.

Framlegget til løyving er gjort etter ei samla vurdering av innhaldet i søknaden, innkomne søknadar og tilgjengelege midlar.

Bakgrunn for saka

Bygdeutviklingsutvalet forvaltar ei tilskotsordning for å fremje bygdeutvikling i kommunen, med inntil kr. 500 000,- til fordeling i 2021. Til møtet i november står det att kr. 210 000,- til disposisjon.

I søknad av 30.09.21 søker arbeidsgruppa i regi av Stamnes Idrettslag, v/ Helen Børhaug, om kr. 64 000,- i bygdeutviklingsmidlar til utvikling av tilbod og aktivitetar ved "AllAktivitetshuset" på Stamnes.

Vedlagt budsjett med innhenta pristilbod, viser ein prosjektkostnad på kr. 74 000,-, fordelt på følgjande kostnadar:

· Innkjøp av el. artiklar café + reinhad m.m.	kr. 29 274,-
· Innkjøp av utstyr til ungdomsklubb:	kr. 19 699,-
· Innkjøp av utstyr til sykkelverkstad:	kr. 4 232,-
· Tilrettelegginga av klatrevegg:	kr. 5 799,-
· Innkjøp av ulikt utstyr, sjå budsjett:	kr. 5 000,-
· Innkjøp av matvarer:	kr. 10 000,-

Gjennomføring av aktivitetane i "AllAktivitetshuset" skal gjerast på dugnad, oppgeve til 184 timar per månad. Ved drift av 10 månadar i året, vert dette 1 840 timar per år, som utgjer kr. 368 000,- ved ein timesats på kr. 200,-/time.

Føremålet med "AllAktivitetshuset" er å utvikle eit variert tilbod, med cafédrift, ungdomsklubb, kurs, sosiale samlingar med meir. Eitt døme er "Ope hus" kvar tysdag. Målet er å leggje til rette for felles møteplassar i bygda.

Sjå vedlagt søknad for nærare informasjon.

Formelt grunnlag

- Kommuneleva - generelle sakshandsamingsreglar.
- «Retningslinjer for tildeling av midlar frå Bygdeutviklingsutvalet», vedtekne på møtet av 26.05.20; <https://www.vaksdal.kommune.no/innhald/landbruk-nering-og->

Vurdering og konsekvensar

Søknaden frå arbeidsgruppa for "AllAktivitetshuset" vert vurdert å vere i samsvar med tilskotsordninga sine krav til innhald, og kven som kan søkje om midlar (mellom anna friviljuge lag/organisasjonar).

I følge retningslinene skal bygdeutviklingsmidlane nyttast til føremål med ålmenn nytte, og stimulere til levande bygdeliv. Midlane skal kome mange til gode, skape trivnad og medverke til aktivitet som er tilgjengeleg for alle. I dette høvet kan det gjevast midlar til materiell og utstyr til ulike prosjekt og stader. Det kan òg gjevast støtte til kurs og kompetanseutvikling, men ikkje til drift.

Tiltaket det vert søkt om finansiering til, vert sett på som eit fellestiltak som vil nå mange i bygda. "AllAktivitetshuset" vil vere ein naturleg møtestad for innbyggjarane, og huset legg til rette for aktivitet og oppleving.

Kommunedirektøren vurderer at tilretteleggingstiltaka i søknaden er i samsvar med føremålet til bygdeutviklingsmidlane, og at det er grunnlag for å løyve tilskot.

I budsjettet er det sett av kr. 10 000,- til innkjøp av matvarer og kr. 5 000,- til reinhald. Desse utgiftene vert ikkje rekna med i sakshandsaminga. "Godkjende kostnader" som grunnlag for finansiering, vert av den grunn sett til kr. 59 000,-.

Det er kome inn mange søknadar til gjeldande søknadsomgang, og samla søknadsbeløp er langt større enn tilgjengelege tilskotsmidlar. Ei prioritering er difor naudsynt.

Ved vurdering av søknaden vert det lagt spesiell vekt på at fleire av tiltaka er retta inn mot dei unge i bygda. Den høge eigeninnsatsen vert òg vektlagt.

Retningslinene seier at det ved prioritering av søknadar skal takast omsyn til geografisk fordeling, og om bygder har fått tilskot ved tidlegare høve. Her har Stamnes Idrettslag motteke kr. 15 000,- til eit "kajakkprosjekt" i mars 2021. I tillegg er innstillinga å løyve kr. 22 000,- til aktivitets- og klatreparken i Kulshamaren på Stamnes ved denne søknadsomgangen.

Sjølv om tilretteleggingstiltaka samsvarer godt med kva bygdeutviklingsmidlane skal fremje, vurderer kommunedirektøren det som naturleg å sjå tildelingane til Stamnes Idrettslag i samanheng.

På bakgrunn av søknaden sitt innhald, kriteria for løyving av tilskot, tilgjengelege midlar og innkomne søknadar, går kommunedirektøren inn for å løyve kr. 33 000,- til utvikling av tilbod knytt til "AllAktivitetshuset". Dette vil utgjere 51 % av søknadsbeløpet på kr. 64 000,- og 56 % av "godkjende kostnader" på kr. 59 000,-.